

Chalberschwanz

2026

Fasnachtsgesellschaft Chalberschwanz Küssnacht am Rigi

scan me!



Bisi-Taxi


De Minigolf hed neu Pächter gfunde,
sit det hockt s halbe Dorf bim Trudy unde.
Es Bierli da, es Willi det,
bis mer de ufs WC sett...

De langi Marsch tued d Sitaution erheblich erschwäre,
halbewig gahts, bis dini Blase äntlich chasch entlääre.

Doch da hed eine en guete Ifall gha,
er bietet am Trudy es WC-Taxi a.
Jetzt isch es nume no halb so sträng,
nimsch eifach s Velo mit sibe Gäng.



Aber de isch dier z'Sinn cho:
Du hesch doch scho chli Alkohol iigno.
Schliesslich dafsch au mitem Velo ned bsoffe fahre,
süsch chasch der s Autobillet au grad spaare.
Glöst hends das Problem am Schluss i eim Satz:
Es stahet jetzt es super WC ufem Minigolf Platz.
Jetzt chönds wirkli alli gniesse
und sich fröhli Wii de Hals abgiesse.



Fasnachtsgesellschaft Chalberschwanz Küssnacht am Rigi



Liebe Freunde der Fasnacht, liebe Bezirkseinwohner,

Wir freuen uns dieses Jahr extrem auf die Fasnacht mit euch! Das Jahr verging im Fluge, die Vorbereitungen haben bereits nach der letzten Fasnacht gestartet und es hat sich gelohnt!

Folgende Fragen haben wir uns gestellt: Wie wäre es, wenn sich am SchmuDo nach dem Umzug alle auf einem Platz besammeln könnten, mit Sack und Pack, mit Wagen oder ohne? Wenn wir abgesehen vom Umzug keine Strassen mehr sperren müssten? Wenn wir auch trotz Regen trocken weiterfeiern könnten?

Wie wäre es, wenn wir am Sonntag mal etwas ganz neues wagen mit einem Fasnachtsgottesdienst und Guggenmusik in der Kirche? Wenn wir die Matinee auf dem Seeplatz starten könnten, bei wundervoller Kulisse? Wie wäre es, wenn man nach dem Umzug alle Wagen nochmals bestaunen könnte, nebenbei Guggenklänge geniessen und etwas Trinken könnte?

Unsere Antwort: Das wäre großartig! Und darum machen wir es genauso! So soll es sein und bleiben, wir möchten aber nicht übertreiben. Schliesslich müssen wir für unser Jubiläum im Jahr 2027 noch Kapazität haben...

Ganz besonders freuen wir uns auch, dass wir dieses Jahr neue helfende Hände gefunden haben. Ganz nach dem Motto: «zäme isch meh!» Mehr Ideen, mehr Kreativität, mehr Arbeit aber dafür mehr Fasnacht!

Nun wünschen wir euch viel Spass und Unterhaltung beim Lesen und Durchstöbern der Fasnachtszeitung Chalberschwanz 2026.



Im Namen des Vorstands der Fasnachtsgesellschaft Chalberschwanz
Carmen Lieder, Präsidentin

fasnachtsgesellschaft-chalberschwanz.ch
fgkuessnacht@gmail.com

Nicht verpassen!

Termine Fasnacht 2026

- | | |
|------------------|-----------------------------------|
| 10. Januar 2026 | Immogeister Jubi 55 Jahre |
| 23. Januar 2026 | Bockabig |
| 31. Januar 2026 | Guslerparty |
| 05. Februar 2026 | SchmuDo Küssnacht |
| 06. Februar 2026 | Blächi Jubi 60 Jahre, Oldie-Night |
| 07. Februar 2026 | Kifa Merlischachen Umzug |
| 07. Februar 2026 | Blächi Jubi 60 Jahre |
| 08. Februar 2026 | Fasisonntag Küssnacht |

Für alle, die es noch nicht wissen:

FG Chalberschwanz

Die Fasnachtsgesellschaft Chalberschwanz wurde im Jahre 1967 als Nachfolgeverein der Hisnarrenzunft gegründet. Sinn und Zweck des Vereins ist die Wahrung des Fasnachts-Brauchtums im Bezirk Küssnacht. Wir setzen uns aktiv für die Förderung und den Ausbau des Brauchtums ein. Die FG Chalberschwanz ist der Ansprechpartner aller Fasnachtsvereine und koordiniert die Küssnachter Fasnacht.

Fasnachtszeitung Chalberschwanz

Der «Chalberschwanz», so wird die Küssnachter Fasnachtszeitung genannt, erscheint jeweils vor dem SchmuDo und informiert über das Programm und die Veranstaltungen der Küssnachter Fasnacht. Die Highlights sind jedes Jahr die lustigen Geschichten über vergangene Missgeschicke der Bevölkerung.

Bockabig 29.01.2026

Der Bockabig eröffnet die Küssnachter Fasnacht. Auf dem gesperrten Hauptplatz geben Guggenmusiken ihre kakaphonischen Klänge zum Besten und Kleininformationen spielen in den verschiedenen Gaststätten ihre Hits. Diverse Einzel- und Gruppensujets ziehen durchs Dorf und für alle Teilnehmenden gibt es eine Sujetprämierung mit grossartigen Preisen.

Schmutziger Donnerstag 05.02.2026

Pünktlich um 06.00 Uhr knallt der Böllerschuss zur Eröffnung des Sternmarsches. Die Küssnachter Guggen ziehen spielend durchs Dorf und treffen sich schliesslich beim Hauptplatz, wo es ein weiteres Guggenkonzert gibt. Anschliessend lädt die FG Chalberschwanz zu einem feinen «Zmorge» im Gasthaus Engel ein. Es sind alle aktiven und passiven Fasnächtler willkommen.

Erneut gibt es dieses Jahr von 10.00 bis ca. 11.30 Uhr ein kleines Guggenkonzert auf dem Coop Piazza, bevor dann um 14.00 Uhr der Kinderumzug startet. Nach dem obligaten Wienerli-Zvieri wird der Nachmittag und Abend mit musikalischer Begleitung der Guggen neu auf dem Seeplatz beendet.

Fasi-Sonntag 08.02.2026


Der Sonntag startet erstmals mit einem Fasnachtsgottesdienst um 09.30 Uhr in der katholischen Kirche. Der Gottesdienst wird bunt- Kirche trifft Konfetti! Anschliessend startet die Matinee neu auf dem Seeplatz. Diverse Guggenmusiken präsentieren ihre kakophonischen Töne und laden zum Verweilen ein. Allen Umzugsteilnehmern wird eine Verpflegung offeriert, damit sie gestärkt sind für den Start des grossen Fasnachtsumzuges um 14.00 Uhr. Nach dem Umzug findet auf dem Seeplatz ein buntes Fasnachtstreiben statt, dazu gibt es weitere Guggenkonzerte, die den Abend gemütlich ausklingen lassen.



FREUDE AN FARBEN

pdzDRUCK
PRINTMEDIEN

Gsteigstrasse 14 • 6403 Küssnacht
T 041 850 17 22 • www.pdzdruck.ch



ARTHUR WEBER

**EGAL OB CHLAUSJAGE
ODER FASNACHT –
HAUPTSACH S'RICHTIGE
WÄRCHZÜÜG!**

Partner für Bau und Handwerk arthurweber.ch

Impressum

Fasnachtszeitung der Fasnachtsgesellschaft Chalberschwanz Küssnacht am Rigi, Ausgabe 2026

Auflage: 7'500 Exemplare

Verteiler: gratis in alle Haushaltungen des Bezirks Küssnacht

Redaktion: Susi Enderli, Carmen Lieder

Layout/Druck: PDZ Druck AG, Küssnacht am Rigi

Küssnachter Chalberschwänzli

Die leckerste Versuchung seit 1967



Versüsse dir und anderen die Fasnacht und unterstütze die FG Chalberschwanz.

Für jede gekaufte Packung gehen CHF 3.- in die Fasnachtskasse.

Erhältlich in der Schwyzer Qualitätskonditorei Lüönd im Rigmärt Küssnacht.



Wir haben an 365 Tagen im Jahr für Sie geöffnet!



Filiale Küssnacht am Rigi
Rigmärt
Siegwartstrasse 11
6403 Küssnacht
Tel. 041 852 02 72

Montag-Freitag: 6:30 - 20:00 Uhr
Samstag: 6:30 - 19:00 Uhr
Sonn- & Feiertage: 7:00 - 12:00 Uhr


Sonn- & Feiertage geöffnet

Weitere Standorte:
Produktion/Büro Seewen Steinbislin 17
Filiale Schwyz, Steisteg Märcht
Filiale Ibach, Mythen Center
Filiale Seewen, Seewen Markt
Filiale Muotathal, Postladen

Lüönd
Schwyzer Qualitätskonditorei
www.luond.ch

Jahresrückblick 2025

Präsidentin Carmen Lieder




Scho wider isch es Jahr verbii
die letscht Fasnacht isch super gsi
Aber fangemer mal vo vorne a-
es mues alles sini Richtigkeit ha.

Gstartet hemmer s Vereinsjahr bim August Mäart,
d'Hilf und d Unterstützung vo allne
isch wie immer Gold wärt.
Chind hend sich chönne la schminke
und die Grosse öppe eis trinke.
Ned ganz so heiss deför mit vill Erfolg,
hesch am offne Sunntig chönne hole d Plakette us Gold.
Au die süesse Chalberschwänzli Pralinee,
so öppis hender no gar nie gseh!

D Fasnacht isch denn cho im eim Satz,
mitem Bockabig ufem gsperrte Hauptplatz.
Guggene hend d Bühni groockt
und i gwüssne Beize isch niemer meh ghockt.
D Grümpelband hed d Lüüt grandios underhalte,
gfählt hed offesichtlich nor no d Gletscherspalte!
Vill Verkleideti sind underwägs gsi bis id Nacht
und hend d Sujetprämierig richtig schwär gmacht!
Mier hend eus gfreut und eimal meh:
Es chönd sich all als Sieger gseh!

Jetzt chämt eigentlich de Schmudo dra,
aber hender au alli de Chalberschwanz im Briefhaschte gha?
Danke tuusig für üchi Ustrutscher und die luschtig passierte Sache,
so hend wider mal alli im Bezirk chönne richtig lache.
Mier hoffed ier hend üch bim läse amüsiert
aber dänked dra, s isch schnell öpis passiert.
Schliesslich bruched mier au für die nächsti Ziitig wider Gschichte
Und hoffed, ier düend üs Missgschick au schön brichte.



Jetzt zum Schmudo, Tagwach ganz früh,
a dem Tag hed niemer mit Ufstah Mueh.
Stärnmarsch und Guggekonzärt,
das ischs amne Fasnächtler Wärt!
S feine Zmorge im Engel de Hit,
so wärded sogar Morgemuffel fit.
Ufe Coop Platz simmer nacher hii,
es isch eifach super gsi!
Danke allne Gugge für d Unterhaltig,
Zämearbet mit üch isch gewaltig!
De Umzug am Namitag bombastisch,
was die Gruppe alles mached-fantastisch!
Nachere chline Stärchig hemmer de Abig no gnosse,
natürlich isch au bitzli Alkohol gflosse.
Ziit zum Erhole bliibt ned für all,
amu bi mier als Präsidentin isch das ned de Fall.

Mis letschte Jahr bi de Blächis isch fascht verbii
und s isch e grandiose letschte Blächiball gsi!
Am Sonntig s Matinee de krönendi Schluss-
für alli Fasnächtler: ein Muss!

Für d FG heisst das früh ufstah,
das s Matinee am lOni cha los gah.
Bühni, Tisch und Bänk ufstelle,
dass sich denn alli chönd gmüetlich gselle.
Gönner und Sponsoreapero,
das gönned mier euch-sowiso!


Danke nomal a jede wo hed understützt,
ohni das hätt eusi Arbet ned vill gnützt!
Ich sägs wider einisch: Zäme isch meh-
das hed mer denn au am Umzug gseh!
Wäge, Guggene, Gruppene- und alli hend glacht,
dene hed de Räge gar nüd usgmacht!
D Stimmig fantastisch, super und toll,
au bim Publikum: de Strasserand isch voll!

En schöne Abig isch no usecho
Anschinend hend no zwei ufem Chreisel e Flasche Champagner gno.
Was seli no säge, ier hends alli gseh-
mier freued eus uf die nächsti Fasnacht mit euch und no meh!

Blächchutzeler – Oldies Wagenbaugruppe

Zum 60-jährigen Jubiläum der Guggenmusik Blächchutzeler aus Küssnacht am Rigi entstand eine ganz besondere Idee: Initialisiert von der «Alten Garde» schlossen sich immer mehr ehemalige Mitglieder zusammen, um für den Umzug einen eigenen Wagen zu bauen. Was als nostalgischer Gedanke begann, entwickelte sich schnell zu einem Herzensprojekt. Während gesägt, gehämmert und gestaltet wurde, tauchten die Beteiligten in Erinnerungen an legendäre Auftritte, lange Nächte und unvergessliche Fasnachtsmomente ein – der Weg war tatsächlich das Ziel.

Mit viel Liebe zum Detail entstand ein Wagen, der dem diesjährigen Motto «Peaky Blinders» alle Ehre macht: rauchig, stilvoll und voller Charakter. Jede Schraube, jeder Pinselstrich erzählt auch ein Stück Vereinsgeschichte. Ein Werk der Gemeinschaft, der Freundschaft und der Fasnachtsleidenschaft – ganz im Geiste der Blächchutzeler.



Hallelujah!

Die Blächis feiern ihr 60 Jahre Jubiläum!


«Bisch ready?» Fragte Markus Bucher nach der letzten Blächi GV in die Runde. Seine Idee, für das Jubiläum eine musikalische Gruppe zusammenzustellen, welche im Stil des 40er- und 50er-Jahre Jubis am Blächiball auftreten soll, war *Legendary*. Ein kleines Grüppchen begann von da an mit der Organisation. Adresslisten wurden durchgewühlt, es wurden Mails und Briefe geschrieben und telefoniert bis die Ohren *scharlachrot* leuchteten.

Und die Blächi Oldies folgten dem *Call of the mountains* in Scharen. Nicht ganz alle, aber ein Teil. Bei einer 60-jährigen Geschichte auch gar nicht anders möglich. Aber eine stattliche Anzahl von fast 50 Ehemaligen in einem Altersspektrum von 25 bis 70 Jahren, alle *forever young*, versammelten sich schliesslich zu einigen Proben. *No no never* hätten wir gedacht, dass die Idee auf solche Begeisterung trifft. Aber *auf gute Freunde* ist eben Verlass!

Die Blächi Oldies spielen vorzugsweise Stücke aus den 80er-Jahren. *Hey yah*, jedes einzelne Stück trägt unzählige Erinnerungen an legendäre Blächiauftritte und rauschende Guggennächte mit sich.

Who we are, könnt ihr an der Blächi Oldie-Night am 7. Februar sehen, dann heisst es: *üs ghört d’Nacht* und wir feiern, bis es die *Angels* im *Heaven* hören können.





60 JAHRE BLÄCHCHUTZELER

Wir sind die älteste Guggenmusik von Küssnacht – und feiern in diesem Jahr unser **60-jähriges Jubiläum**. Seit 1966 sind die Blächis in und um Küssnacht unterwegs und prägen mit Leidenschaft das Fasnachtstreiben.

Während der Fasnacht von Januar bis Februar präsentieren wir unser musikalisches Können an Umzügen und Bällen und sorgen für ausgelassene Stimmung und unvergessliche Momente. Der Höhepunkt ist der **Blächiball am 06. und 07. Februar** in der Küssnachter Fasnachtswoche – ein Fest, das seit Jahrzehnten für Begeisterung sorgt und zur lebendigen Kulturszene von Küssnacht beiträgt.

Gemeinsam mit vielen Guggenmusiken und begeisterten Fasnächtlern möchten wir in diesem Jubiläumsjahr anstossen, feiern und die Freude an unserer Tradition in vollen Zügen geniessen. Sei auch du Teil dieses einzigartigen Erlebnisses – feiere mit uns und lass dich von der Fasnachtsstimmung mitreisen.

HESCH SCHO ES TICKET?



Fasnachtsplakette 2026

Die FG Chalberschwanz gratuliert den Blächis von ganzem Herzen zum 60 Jahre Jubiläum!

Deshalb zeigt die Fasnachtsplakette 2026 die jubelnden Blächchutzel, welche seit 60 Jahren stolz am Fusse der Rigi tröten, tuten und trommeln. Gestaltet hat die Plakette erneut Daniela Camenzind, dieses Jahr mit besonders viel Herzblut, schliesslich war sie selbst lange Teil der Blächi-Familie und steht nun zum Jubiläum sogar zusammen mit den Blächi-Oldies auf der Bühne.

Für die Herstellung der Plaketten in alter Handwerkskunst bedanken wir uns bei Hanspeter Hänggi in Mumpf (AG).



Die Plakette gibt es in drei Ausführungen:

Bronze-Plakette

Ist erhältlich für alle und ihr Tragen ist Ehrensache an der Fasnacht in Küssnacht.

Silber-Plakette

Ist nicht zum Kauf erhältlich. Die Fasnachtsgesellschaft Chalberschwanz verschenkt diese an ihre Helfer und die Umzugsteilnehmer.

Gold-Plakette

Ist limitiert zu 100 Stück und jede davon ist nummeriert und fest vergeben. Sammler erhalten also jedes Jahr ihre persönliche, nummerierte Goldplakette.



Küs(s)nacht

Vorere Hochziit mues me vill organisiere und zwüschedüre au chli umetelefoniere.

Dasmer de die Verträg ufem hiesige Standesamt cha go unterschriibe, lütet mer am schloische uf de Gmeind a, mer wott ja nümme länger ledig bliibe.

Etz isch aber a de Muzia Lüller folgendes passiert: sie hed statt uf üses Küssnacht uf Küsnacht Züri telefoniert. Sie heds nu rächtzitiig gmerkt und am Schluss heds klappet mit em Ja-Wort. und das sogar am richtige Ort.

Mier gratuliere, etz sind si frisch vermählt, zum Glück heds bis z'letscht glich nu üses Küssnacht gewählt.



Hohlgass-Rassler

Liebe Fasnachtsfreundinnen und Fasnachtsfreunde

Kaum zu glauben, aber wahr – wir feiern diese Jahr bereits unser

35-jähriges Jubiläum!

Seit über drei Jahrzehnten sind wir nun an der Fasnacht unterwegs – mit viel Leidenschaft für die Musik, tollen Freundschaften und unzähligen Erinnerungen, die uns bis heute verbinden.



2024



2015

Und weil so ein Jubiläum natürlich ordentlich gefeiert werden muss, haben wir uns etwas besonderes überlegt: Ehemalige Mitglieder holen ihre Instrumente wieder aus dem Keller und stehen gemeinsam mit uns auf der Bühne! Wir freuen uns riesig darauf, mit alten und neuen Rassler wieder Gas zu geben. Schaut vorbei, feiert mit uns und lasst euch die Jubiläumsstimmung nicht entgehen!



2025



2020



???



SA 10.01.26
55 Jahr Jubi-Ball

SA 17.01.26
Guugger-Zyt

SA 24.01.26
Guggerträff

SA 31.01.26
Guslerparty

SA 07.02.26
60 Jahr Jubiläum

SO 08.02.26
Umzug

FR 13.02.26
Guggernacht

DI 17.02.26
Güdelzistig



Immogeister
Immensee

Gugelfuer
Gersau

Fasnachtsgesellsch
aft Uznach

Rigi Gusler
Küssnacht

Bläschutzeler
Küssnacht

FG Chalberschwanz
Küssnacht

Steischränzer
Steinhausen

Lichtlöscherzunft
Immensee

Wenn du neugierig bist, wie es bei uns hinter den Kulissen aussieht oder Lust hast, selbst Teil unserer Truppe zu werden, sprich uns einfach an oder melde dich online. Ob du schon ein Instrument spielst oder einfach Freude an Musik, Gemeinschaft und guter Stimmung hast – bei uns bist du genau richtig.



35 Jahr Hohlgass-Rassler



Mir sind kei Nostalgie, mir sind d'Zuegab!



2015



2001



2014



???



**Danke, dass ihr mit uns das
Jubiläum gefeiert habt!**

**Möchtest du auch ein Teil von uns werden?
Dann melde dich bei uns!**

Am Chlausumzug da isch es wichtig,
dass all Musiker de glichlig Takt hend - und zwar de Richtig!
De Heter Perzog isch ghörig schlau,
mit sinere geniale Idee stimmts de ganz genau.
Als Metronom bindet er sich s Natel ume Grind,
demit immer all Musiker wüerkli im gliche Takt sind.



Seit Generationen
die Anlagebank für

SZ


ANLAGELÖSUNGEN? *Machen wir selbst.*

Damit investieren Sie Ihren
Sparbetrag und Ihr Vermögen
einfach und individuell.

szkb.ch/anlegen



Schwyzer
Kantonalbank



Wir suchen Dich! Offene Lehrstellen:

- Maurer/in
- Baumaschinenmechaniker/in
- Verkehrswegebauer/in Strassenbau/Gleisbau
- Kauffrau/Kaufmann (Profil E oder M)
- Zeichner/in EFZ Fachrichtung Architektur

Bewerbe Dich bei:
C. Vanoli AG, Artherstrasse 44, 6405 Immensee
Telefon 041 854 60 60, personal@c-vanoli.ch

C. Vanoli Gruppe




SABO Automation und Elektro

WIR BERATEN UND PLANEN FÜR SIE IHR PERSÖNLICHES PROJEKT

- INSTALLATIONEN
- PLANUNG
- GEBÄUDEAUTOMATION
- MULTIMEDIA / EDV
- ENERGIE

www.sabogmbh.ch

Erlistrasse 6, 6403 Küsnacht am Rigi, Telefon 0418521020, elektro@sabogmbh.ch



Donnerstag, 05. Februar 2026

Schmutzige Donnschtig



6 Uhr
Böllerschuss & Sternmarsch

anschliessend
Guggenkonzept
beim Gasthaus
Engel und Zmorge

**Coop
Piazza**

10.00 Rigigusler
10.30 Gessler Chessler
11.00 Blächchutzel

**Umzug
14 Uhr**

Umzugsroute: Start Siegwartstrasse - Giessenweg - Bahnhofstrasse - Hauptplatz -
Unterdorf - Seeplatz Ende (s. Plan Seite 14 unten)

1	Guggenmusik Blächchutzel	Peaky Blächis
2	Blächi Oldies	Oldie Blinders
3	Kifa Merlischachen	Vorhang uf, Manege frii - Merlischachä isch debii
4	Rigilüüt	Holzmaskengruppe
5	Rigi Goofe	The Candy Family
6	Guggenmusik Gessler Chessler	Jede Liter macht de Ritter fitter
7	Wagenbaugruppe Gessler Chessler	Volk der Königsgarde
8	Chinderhuus Bezirk Küssnacht	Hippie-Gspänstli
9	Gmüetlich Garde	Mir hends gmüetlich!
10	FG Chalberschwanz	zäme isch meh
11	4. Klasse Dorfhalden	Engel & Teufel
12	Guggenmusik Rigigusler	Chum zu üs i Wildä Weschtä, da ischs Fäsch am Beschtä!
13	Altgusler	Cowboys
14	Kännsch diä?	Kännsch die Galaxy?
15	Osculum Noctis	Ring of Fire
16	Familienkreis Immensee	Der Familienkreis im Märchenwald
17	Küssnachter Vikings	Wikinger

Achtung an alle Teilnehmer: Luftschlangensprays sind bei uns verboten, da sie Gwändli, Grinde und «Gebasteltes» beschädigen.



Sonntag, 08. Februar 2026

Fasi Sonntag



**Fasi-
Gottesdienst
9.30 Uhr**

Matinee

10.30	Gessler Chessler
11.00	Hohlgassrassler
11.30	Rigigusler
12.00	Höhläguugger
12.30	Hummelzunft Arth
13.00	Immogeister

NEU

SEEPLATZ!

**Ab 10.30 Uhr
Verpflegung**

Programm nach Umzug

(Zeit kann variieren, je nach Umzugsdauer.
Start sobald Umzug fertig)

16.00	Blächchutgeler
16.30	Meler Galgevögel
17.00	Eglichtutler
17.30	Rigigusler
18.00	Rigischränzer
18.30	Gessler Chessler



Umzugsroute

**Fest- und
Barbetrieb
durch Gastro
Küssnacht**

Sonntag, 08. Februar 2026

Grosser Fasnachtsumzug

Umzugsroute: Start Siegwartstrasse - Giessenweg - Bahnhofstrasse - Hauptplatz -
Unterdorf - Seeplatz Ende (s. Plan Seite 14 unten)

1	Guggenmusik Blächchutzer	Peaky Blächis
2	Blächi Oldies	Oldie Blinders
3	Karnevalsgesellschaft Bad Breisig von 1892 e.V.	Karneval in Breisig
4	Aaretüfel	Brauchtumsverein Krampus
5	Die Geniesser	Sissi regiert - der Rest marschiert
6	Guggenmusik Eglichutzer	Wir sind Kaiser
7	Rigilüüt	Holzmaskengruppe
8	Kifa Merlischachen	Vorhang uf, Manege frii – Merlischachä isch debii
9	Küssnachter Vikings	Wikinger
10	Familienkreis Immensee	Der Familienkreis im Märchenwald
11	Guggenmusik Hohlwassrasser	35 Jahr HGR – Mier sind kei Nostalgie, mier sind d'Zuegab
12	Osculum noctis	Ring of Fire
13	Glamour Ladies	Samba Samba
14	Wöschwyber Goldau	Putz- und Wöschwyber Goldau
15	Guggenmusik Hummelzunft Arth	Safari
16	Dörty Bergler	Galaktisches Reisebüro
17	Kännsch diä?	Kännsch diä Galaxy?
18	Kabauzen	Mad Max
19	Guggenmusik Rigischränzer	Zauberschule
20	RiedMättli	Expedition Nordpol
21	Waldkoboldä March	Waldkoboldä
22	Guggenmusik Meler Galgevögel	All in
23	Höllochhexen Winterthur	Hexen
24	Glunggä-Grusli Clique	Mystische Gestalten
25	Rigi Goofe	The Candy Family
26	Guggenmusik Rigigusler	Chum zu üs i Wildä Weschtä, da ischs Fäscht am Beschtä!
27	AltGusler	Cowboys
28	Clique Schäflibach Urdorf	«Helden der Kindheit»
29	Guggenmusik Höhlägugger	Wikinger
30	FG Fidelitas Wollerau	Kinderfasnacht Motto (Olympia)
31	Schatteljäger	Wir bleiben unserem Motto treu
32	FG Chalberschwanz	zäme isch meh
33	Guggenmusik Gessler Chessler	Jede Liter macht de Ritter fitter
34	WBG Gessler Chessler	Volk der Königsgarde
35	Usgchessleti	Hofnarren der ritterlichen Gessler
36	Guggi-Häxen Dietikon	Hexen
37	Gmüetlichä Garde	Mir hends gmüetlich!
38	Guggenmusik Immogeister	Sauf-Fari 2 – jetzt noch wilder
39	Höfesoiger	Super Mario

Am Sonntag, 22. Februar 2026 wird wieder so einges zu hören / sehen sein



Nach 25 Auftritten ist Schluss

Die langjährige Tradition der Alten Fasnacht wird auch 2026 von den Altfasnächtlern voller Elan und motiviert weitergeführt. Am Sonntag, 22. Februar 2026 sind sie wieder unterwegs. Am Nachmittag ab 14.00 Uhr werden die Altersheime Seematt, Küssnacht und Sunnehof, Immensee, besucht. Ab 18.30 Uhr beginnen die Altfasnächtler mit ihren Auftritten in den Restaurants Adler, Engel, Hürtel, Rössli, Frohsinn, Clubhaus FC Küssnacht, Centro, Alpenhof sowie im Monséjour Zentrum am See.

Das Duo Zündstoff sagte an der letzten alten Fasnacht nach 25 Auftritten Good bye, darum rufen wir auf diesem Weg alle Talente (Einzelpersonen oder Gruppen) auf, sich zu melden. So können sie an diesem Abend auch einen Beitrag leisten und einen wunderbaren Auftritt mit vielen zufriedenen und dankbaren Zuhörenden erleben. Gluschtig gmacht, dann melde dich bei Resi Trütsch.

Fotos Quelle: Freier Schweizer



Da hat man es schwarz auf weiss



Igi Bühler mit Professor Bindli



Da wird einem die Wäsche gewaschen





FROHSINN
RESTAURANT & HOTEL

Wo man sich trifft und geniesst.

Tel: 041 850 14 14

www.rest-frohsinn.ch
info@rest-frohsinn.ch

Zugerstrasse 5 • 6403 Küssnacht am Rigi



adler

Herzlich Willkommen im Gasthaus Adler
in Küssnacht am Rigi

GAUMENSCHMAUS



engel

FÜR HIMMLISCHEN GENUSS

Öffnungszeiten

Goethestube / Tagsatzungssaal
11.00 - 14.00 Uhr
18.00 - 22.00 Uhr
Dienstag und Mittwoch Ruhetag

Engelbar
täglich ab 17.00 Uhr geöffnet

Gasthaus Engel
Hauptplatz 1
6403 Küssnacht
Telefon 041 850 88 89
www.gasthausengel.ch

Kirche trifft Konfetti

Zum ersten Mal laden wir zu einem besonderen Erlebnis ein, zum ersten Mal heisst es: Hereinspaziert zum Fasnachtsgottesdienst. Ja, richtig gehört – Kirche trifft Konfetti! Mit Humor, Herz und einer Prise närrischer Leichtigkeit möchten wir gemeinsam den Fasnachtssonntag starten. Der Gottesdienst soll Tradition und Lebensfreude verbinden und ein bunter Auftakt zu einem Sonntag voller Musik, Masken und Miteinander sein.

Der Fasnachtsgottesdienst startet um 09.30 Uhr in der kath. Kirche, unter Pfarrer Marzel Camenzind und Pfarreileiterin Claudia Zimmermann. Als musikalischer Teil des Fasnachtsgottesdienstes werden die Bläschutzer Oldies ihre Klänge zum Besten geben. Und keine Sorge: die Türen stehen sperrangelweit offen- egal ob Clown, Cowboy, Prinzessin oder ganz ohne Kostüm, jede und jeder ist herzlich eingeladen. Einzig Masken und Grinde müssen draussen warten. Wir freuen uns über diese neue Möglichkeit und hoffen auf zahlreiches Erscheinen. Im Anschluss an den Gottesdienst findet die Matinee und die Verpflegung der Umzugsteilnehmer auf dem Seeplatz statt.

Wir möchten gerne die Gelegenheit nutzen, euch in diesem Zusammenhang Pro Pallium vorzustellen, die Schweizer Palliativstiftung für Kinder und junge Erwachsene. Pro Pallium begleitet Familien mit schwerstkranken Kindern und unterstützt mit Herz und Zeit, wo es nötig ist. Im Austausch mit Verena




Singer, dem Haus-Clown der Stiftung, haben wir uns entschieden, diese wertvolle Arbeit der Stiftung mit ihren freiwilligen Helfern, mit der Türkollekte des Fasnachtsgottesdienstes zu unterstützen. Wenn jemand den Clown im Herzen trägt- wie wir die Konfetti- und sich für eine gute Sache einsetzt, dann reichen wir gerne unsere Hand, weil «zäme isch meh!».

«Ich danke der Fastnachtsgesellschaft Chalberschwanz, dass sie auf uns zugekommen sind. Fastnacht war ja ursprünglich eine kirchliche Erfindung: Die Nacht vor dem Fasten. – Auch das Motto gefällt mir gut: Kirche ist nicht nur grau, Kirche ist auch bunt. Als Pfarrei freuen wir uns auf einen bunten Gottesdienst mit vielen grossen und kleinen Teilnehmenden. Willkommen!» Claudia Zimmermann



Pro Pallium
Schweizer Palliativstiftung für Kinder und junge Erwachsene
info@pro-pallium.ch

En Usflug uf See mit Wii und Bier,
 das chund ned guet, mer merchts scho schier.
 Ufem Heiwäg hend sich de Meiri Hichel und de Sume bim Engel id Rundi gsellt
 und no es paar Bierli bstellt.
 Irgendwann isch aber Schluss,
 die beide wend nämli ufe Bus.
 E chline Stolperer vom Sume und es isch gscheh-
 vor luuter Bluet hed mer sis Gsicht nümme gseh.



Trotzdem hends ne i Bus ine glah,
 warschindli hends Erbarme gha.
 Er stigt bi sinere Haltestell us
 und schaffts grad no hei i sis Huus.
 Ganz anderscht ischs bim Hichel usecho,
 de hed nämli de Schlafbus uf Schwyz ufe gno.
 Sone Pensionierte-Tag isch superguet,
 aber nur wenn di de Junior a de Ändstation abhole duet!

Tour de Suisse im Dorf bi eus,
 das isch mal öpis Neus.
 Drüü Täg lang überall Fäscht,
 da sind es paari spaht is Näscht.
 Nachem Firabig schnell es Bierli nä,
 es paari heds au für de Vitja Marino gä.

Zu spater Stund lauft er denn hei,
 staht aber vor de Wohnig elei.
 Hed er doch chürzlich züglet ine anderi Wohnig
 Und kännt de Wäg im Rusch halt nonig.

Am Fritig chund bi villne de Frischwiizer is Huus,
 aber wenn de hüt aluegsch, chunsch nümme drus.
 D' Titelsiite verspricht en FCK Bricht,
 aber man findet diese Seite nicht.

Vergäblich muesch die akündigti Siite 13 sueche,
 de eint oder ander isch schön am flueche.
 Bi Siite 12 isch eifach s Ändi,
 so muesch halt ohni FCK News is Wuchenändi.

Ischs ächt eifach en schlächti Siitewahl?
 Für vill isch ja s 13ni en Unglückszahl.
 Päch bracht heds uf jede Fall ned,
 wie mer a de Tabällene vom Fuessball gseht.



Sujetprämierung SchmuDo Küssnacht 2025

Gewinner: Kännsch diä? mit dem Motto Kännsch diä Galaxy?

Es bitzli Baschtle, Wärche, Neie
und wäge dem mängisch bitz durtetreie.
Am Umzug aber stolz mitmache
und über all de Ufwand lache.

Wenn de no als Gwünner heigash-Gratulation!
Denn isch e Brötli-Plausch dine verdienti Lohn.



186475

247653 123546

186475 148752

200893

E rächte Schwingerfründ gahd as Eidgenössische is Glarnerland,
Au d Lanuela und de Meo vo de Areinerei Schnold hend es passends Billet i de Hand.
Zum Pfuuse chasch vo de Migros so organgi Zält miete, jedes mitere Zahl,
ganz mängs heds da, wo isches? Du hesch da ned die frei Wahl.
Gesucht - gefunden, das isch eifacher gange als dänkt,
vorem Gang i d Arena hends de zur Sicherheit no es Schloss as Zält häre ghänkt.

Vor luuter Schwinge, Trinke und Ässe,
hend's aber dummerwiis bim Zuggcho de Zahlecode vergässe.
Verschidnigi Kombinatione usprobiere, nachestudiere, und wieder usprobiere,
me wett ja ned, dases nach dem schöne Tag glich no müesst eskaliere.

Eine vo dene beedne hed de aber bis z'letscht glich no s nötige Glück,
und offe isch das widerspänstige Stück.

Sich so vill Zahle merke, es isch aber au en Qual,
es Schlüsselschloss wär für nächst Mal vilicht die besser Wahl.

bernet & bernet
architektur ag fh | sia | aec

FREUDIGE FASNACHT



+41 41 852 01 00 | info@bernet-ber.net | www.bernet-ber.net

Park- und Hagelschaden am Auto?

hagelplus
Ausbeulen ohne Lackieren

Stefan Sidler
Calendariaweg 2 6405 Immensee 079 340 89 89

 **Jürg Hofstetter AG**
Lackier- und Beschichtungswerk

Iten Sanitär AG

- Sanitärinstallationen
- Reparaturservice
- Badrenovationen
- Boilerentkalkungen
- Sanitärplanungen
- Sanitärloaden

Grepperstrasse 46
6403 Küssnacht am Rigi
Telefon 041 850 55 81
info@itenag.ch • www.itenag.ch

BadeWelten

ABAG

Wir geben Ihnen
sicheren Halt.

- Fassadengerüste
- Treppentürme
- Rollgerüste
- Bühnen und Tribünen
- Inneneinrichtungen
- Notdächer
- Sondergerüste aller Art

ABAG Baugerüste AG
Grepperstrasse 31
Postfach 37
6403 Küssnacht am Rigi
Tel. 041 711 00 84
info@abaggerueste.ch
www.abaggerueste.ch

RICKENBACHER GmbH
MUOTATHAL • BAAR

seit 1991

die MALER GIPSEN PLATTEN

BlumenKunst
ROMINA STUDER

**HOHL
GAS
LAND**

hohlgassland.ch

bisang
schreinerei

marcon
modehaus küssnacht


WILDEN MANN
Luzern


Golf Küssnacht wünscht schöne Fasnacht

Grossarni Golf-Betriebs AG - Grossarni 4 - 6403 Küssnacht am Rigi
Tel. +41 41 854 40 20 - info@golfkuessnacht.ch

Ehrler-Optik

IHREN AUGEN
ZULIEBE...

Bahnhofstrasse 17 | 6403 Küssnacht

RIGI NORD
TIERARZTPRAXIS

Chli Ebnet 3 / 6403 Küssnacht am Rigi / riginord.ch

Dr. med. vet. FVH Rhea Baggenstos
Dr. med. vet. FVH Sabrina Hönicke-Weber

041 850 18 19

Küssnachter
DORFKÄSEREI

Holzbau und
Gesamtbau

kost

Holzbaukunst
seit 1880.

www.kost.ch

**Fasnacht in
Küssnacht 2026**

dropa
GANZ SCHÖN | GESUND |

Drogerie Rogger
Küssnacht GmbH

ULRICH
HAUSTECHNIK

Sanitäre Anlagen Heizungen Service

Bockabig 2025 – Rückblick

Am Bockabig ziehds alli is Dorf, es isch de Hit,
vill verkleidet und möched bi de Sujetprämierig mit.
Es isch e luschtigen, bunti Nacht,
de Jury wird's ned eifach gmacht.
Mier hend eus gfreut und eimal meh:
Es chönd sich all als Sieger gseh!

1. Platz: Mad Max
2. Platz: Analcataz, Primeli, Chunsch Struuss?
3. Platz: Schaf ufe Bockabig und Tour de Suisse





KAISER

HAUSTECHNIK SANITÄR HEIZUNG

**B.Bachmann AG wünscht allen
eine tolle Fasnachtszeit!**



Bachmann AG

Immensee • 041 854 45 55 • ag-bachmann.ch

Fugenlose Boden- und Wandbeschichtungen

Industrie und Lackierwerk

Dekorative Gestaltung

Malen und Gipsen Innen und Aussen



Palma

Sones Tattoo hed doch jede Maa,
ich bi froh dasi keis einzigs ha!
So hed mer gredet vor de Malle-Reis,
aber jetzt hed sogar de R.M. eis.
Wenn mer halt am Ballermaa,
paar Bierli über de Durscht duet haa,
laht mer sich schnell verleite,
zu settige dumme Aglägeheite.
«Was auf Malle passiert, bleibt auf Malle».
De Satz hätt eigentlich au am R.M gfall.
Chasches akzeptiere oder bereue,
jetzt chasch di all Tag dra erfreue.
En ewigi Erinnerig hesch garantiert:
Eimal in Malle e chlini Palme tättowiert!



S'Rütli wird abgrisse, das isch doch sehr schad,
sofort isch en Facebook-lladig parat.
Zum dem Huus nomal z'Gedänke,
wett de Cherni Wristen allne es Abschiedsfäschschänke.
Leider blibts nume bi lääre Wort
und jetzt stah keis Huus me a dem Ort.

A de Chlause-GV sind alli Manne on tour,
am 20.15 gahts los im Monséjour.
Traktande Punkt für Punkt duregah,
bi de Abstimmige öppe d'Hand ufe ha.
Am Schluss gaht mer de ned grad Hei,
sondern nimmt im Dorf no es Kafi oder zwei.
Im Alkoholüberfluss chund folgendi Idee:
Hesch scho mal zwei Chlausjäger schwinge gseh?

Es gid für sone Plan zwee passendi Manne mit bekannte Nämme:
De Misler Gike und de Aber Dodi griffid voller Freud zäme.

Schwanke düend die zwei scho guet,
aber Bier und Kafi gänd ihne Muet.

Leider düend si ihri Sinn betrüüge
und mer gseht si z'Bode flüüge.
De Bode voll Schärbe, chalte Asphalt
und de Gike macht uf de Nase Halt.

Wer ne kännt chund nümme drus-
er gseht nümme wie en Schwinger, sondern eher wie en Boxer us.
Und die Moral von der Geschicht:
Schwingen geht besoffen nicht!



Töfftour started in Küssnacht zum Tanke
und alli fülled für es paar Franke.
Nume d'Cane Damenzind brucht kei Benzin,
de Tank vom usglehnte Töff sig volle-immerhin.
Im Steinerberg fällt plötzlich uf,
d'Cane chund eifach ned de Bärg deruf.
Hoffentlich isch nüd passiert, all chehred um
und lached sich scho bald ganz chrumm.
Am Strasserand staht si, de Töff lauft ned,

vilicht will si vorhär ächt ned tanked hed?
Also wird vo Fründe Benzin anegholt,
demit de Töff denn wider rollt.
Ganz durenand wett si denn starte,
aber s Motoregrüsch laht uf sich warte.
«Das chas ned sii, das glaub ich ned!»
Was ächt de Töff für en Schade hed?
Alles easy, dureschnuufe,
mach eifach nur de Ständer ufe!



De Freie Schweizer gids scho 150 Jahr,
das isch tatsächlich wahr!
De Geburi wird au gfired mit diverse Aktione.
Die eint oder ander cha sich für jede lohne.
Am Seenachtsfäscht wirts schier für alli schön,
im Freie Schweizer heds grad zwee Bön.
Einisch fürne gratis Wurscht
und einisch öpis gäg de Durscht.
A de'Online-Läser ihri Bön gältid leider ned, die hend Päch,
me hätts ja chönne verfielfache, das wär scho chli fräch.
Für einisch bewährt sich die guet alt Ziitig,
chasch si i d Hand nä, am Ziischtig und am Friitig.
Wiiter müemer gar ned debattiere,
mier wend eifach härzlich zum Geburtstag gratuliere!

Im Garte vom Bezirk stahd sid neuschtem e schöne Füüring.
Wennt au eine wetsch, muesch zum Riichlin, de hesch au sones Ding.
Geehrt worde isch er für sini Kunscht im Rathausgarte,
aber uf es Grillfäscht det unne muesch lang warte.
Nur zum aluege sig er dänkt,
mer hed sogar no en Entscheid vom Bundesricht aneghänkt.
Sones Kunstobjekt im Garte isch natürlich wundervoll,
aber wemmers ned cha bruche nume halb so toll.





De Veck Bogel chas chum erwarte,
das Tour de Suisse duet starte.
Drum möched sie fliisig Werbig und gäbed sich Mueh,
nur leider sind si e ganze Monet z'früh!



Im Tell's Pub gids Bier, wie i jedere Bar,
öb sitzisch oder stahsch – eifach wunderbar.
D'Tänk sind immer gfüllt, das isch kei Frag,
usser hüür am Seppitag.
D'Liferig chund erscht ufs Wuchenänd a,
mer hed vergässe, dass d'Lüüt vorem Seppitag
au Bier wend ha.



!!!
Gärn würdemer da öpis luschtigs brichte,
aber für das fähled eus üchi Gschichte!
Die Ziitig läbt vom Umeverzelle,
«Böses» hemmer ja nie öpperem welle.
Wenn also öpis luschtigs weisch,
simmer froh, wenns eus ame seisch.
Süscht gids bald nüd me zum Lache
und Ziitig isch voll mit langwilige Sache.
Hilf also mit und du wirsch gseh-
Treu nacht eusem Motto: «zäme isch meh!»

Garage-Reichlin

Küssnacht und Baar



Der Familienbetrieb für Ihre Mobilität.

**Garage-Reichlin, Ihre persönliche
Garage in Küssnacht und Baar.**

Ob Neu- oder Gebrauchtwagen, Service
oder Reparatur – bei uns erhalten Sie
alles aus einer Hand.

→ www.garage-reichlin.ch

Garage-Reichlin AG
Grepperstrasse 86-92
6403 Küssnacht am Rigi
T 041 854 77 88

Garage-Reichlin AG Baar
Altgasse 56
6340 Baar
T 041 768 66 33

Occasionscenter Reichlin
Zugerstrasse 1
6403 Küssnacht am Rigi
T 041 854 77 88

IS≡NSCHMID BÖSCH≡ JÖHL≡


Drei Balken, drei Firmen, drei
Ortschaften, drei Abteilungen, ein Ziel:
Gemeinsam eine bunte 5. Jahreszeit geniessen.

Küssnacht
Weggis
Brunnen

isenschmid.ch
boeschsanitaer.ch
joehl.ch

Gebäudetechnik
Metallbau
Apparatebau

Wenns i de Badi es Konzärt gid, de muess de Focker Stritz häre ga.
 Er gaht züütig, das er de ned mues i de hinderste Reihe stah.
 Mit de nüe Buslinie fahrt er gmüetlich uf Merlischache,
 er erwartet gueti Musig und ander tolli Sache.



Aber öpis isch i dere Badi lätz -
 es hed e huuffe frii Plätz.
 De eint wo glich no dete hocked,
 seid ihm, dass es imene andere Dörfli rocked.
 Das Konzärt sig doch i de Badi z'Immisee,
 das heig er am Fritig im Frii Schwiizer gseh.
 Drum stigt de Stritz sofort i de nächst Bus uf Immisee ii,
 so chan er de glich no a dem Konzärt debi sii.
 Bi so villne Badis im Bezirk ischs halt schwär,
 aber zum Glück chömid d Bös etz vo allne Richtige här.



Agfange heds im Adler miteme gmüetliche Aperö,
 de Abig hed aber de no en anderi Wändig gno.
 Die besser Hälfti isch scho mal Hei,
 de Schobi Tuler hed no es Date mit em Eichhörndli elei.
 Vill, vill spöter Deheime denn z fuul für d Stäge,
 hed ne de Lift müesse ufeträge.
 Züigig isch d Fahrt verbii,
 er findet au de Schlüssel glii.
 Was er eifach immer hasst,
 wenn de Schlüssel irgendwie ned passt!
 Nach paarmal Lüüte und luut Flueche,
 duet er mal de Huusigang absueche.
 Da wird ihm rächt schnell klar,
 das er nid im erschte, sondern im zwoite Stock wohnt- noni mal es Jahr.
 Am nöchste Tag gahd er bewaffnet mit Blueme und Pralinee,
 abe zu de Nachbere, die hend die Problematik de gli igseh.
 Bös gsi isch niemer, das isch garantiert,
 so öpis isch sicher jedem scho mal passiert.

De Skiusflug uf Livigno isch scho länger plant,
da hed no niemer öpis vom Pfanne-Debakel gahnt.
D'Wandra Syssling hed ihri Tasche packt bis zum Rand,
aber am Morge chunnt ihre no d'Bratpfanne id Hand.
Für en feini Röschtli nim ich die mit,
e sones ghörigs Zmorge isch de Hit.
Inestungge, abetrücke,
irgendwo heds scho e Lücke.
Doch d'Naht vo de Tasche risst es mächtigs Stück,
hüt hed d'Wandra gar kei Glück.
Ändlich acho mit Tasche, Röschtli und Pfanne,
plöffed si scho mitem Zmorge bi de Manne.
Früh am Morge staht si de am Härde mit em Chochlöffel i de Hand,
aber mängisch choched mer anderscht imne andere Land.
D'Röschtli wird eifach ned schön brun, was für e Frustration.
Liebi Wandra, dini Pfanne isch ned geeignet für Induktion.
Nöchscht Mal lahsch d'Pfanne lieber dehei bi de andere Chuchi-Ware,
so chasch der I Zuekunft e kabutti Tasche und huuffe Glächter spahre.



Am SchmuDo Morge bim Fuessgängerstreife Seebodebahn obe,
stönd Schüelerlotse i de gälb lüüchtende Robe.
Irgendwie chömed nur kei Chind verbii,
da chönnt öpis komisch sii...
Tja liebi Lotse, die Chind sind am SchmuDo bi eus,
das denn schuelfrei isch, isch nüd Neus!
Lieber einisch z vill gluegt ame dunkle Morge,
aber das Jahr chömeder lieber i Engel as Zmorge.

Dorfplatzkönig

De Dorfplatzkönig fiired en Runde,
das isch mit villne Lüüt verbunde.

D Gäschtelichte die isch riesig,
Lüüt vo Usswärts und au Hiesig.

Scharewiis chömeds go gratuliere
und es gid e huffe z Schnabuliere.

S Wätter spilt natürlich mit,
d'Sunne schiint - es isch de Hit.

Aber churz und knapp i eim Satz:
Im Adler heds eifach ned für alli Platz!

Vermuetlich hed de etz doch scho älteri Herr, wo vor 50 Jahr gebore isch,
de Überblick verlohre - für sone langi Gäschtelichte heds eifach ned gnueg Tisch.

Für es anders Jahr hättid mier en altbewährte Verbesserigsvorschlag:
Ganz wit verusetische und rund ume Dorfplatz en Absperrhaag.



Es paar Wiiber düend sich für de Chlaustag zämeschliesse,
en Spunte meh zum Bier und Kafi gniesse.
Was mier aber würded empfähle,
echli es anders Logo z'wähle.

Es gseht zwar iladend us- das isch wichtig,
aber für weles Metier gsehsch ned richtig.
Wenns einisch gseh hesch luegsch es nümme anderscht a,
so das bim lichehre fascht muesch roti Bäggli ha.

D' lladig zur GV vom Skielub wird per Mail verschickt,
aber de Belix Fissig hed sich es bitz verlickt.
Iladig, Programm und Protokoll sind aghänt hindedrii,
aber bim Drucke merkt mer schnell, da mues en Fähler sii.

Jedes einzelne Blatt wird 18 Mal druckt,
da hend sich zwei, drüü fascht verschluckt.

Bim nächste Mal bitte de Ahang prüefe,
oder öpperem wo drus chunnt rüefe.



Es neu Auto hed bim Zivio Lulli müesse äne zwungenermasse,
 s'Alte isch abgläge uf Tessiner Strasse.
 De neu roti Blitz isch aber noned parat für de Schnee,
 aber hed öpper mini Winterräder gseh?
 Nach langem sueche und studiere,
 stellt ers zum Ehrler zum die Rad montiere.
 S gaht ned lang, da lüted s Telefon scho,
 chasch dis Auto wider go abhole cho.
 Arbet gäb de Chare ned,
 wil er bim Chauf scho Winterräder dra gha hed.

Looser Krimi

E «Händler» probiert z' Küssnacht es Brülleetui z'verkaufe.
 Er dänkt, bim Looser chönnt de Deal guet laufe.
 Doch am Looser chund das gspässig vor, er hed schuscht anderi Lieferante.
 Er lüüted a de Polizii a, will er meint, das sig eher eine vo de Sorte «Vagante».

De Übeltäter macht sich sofort us em Staub,
 er hed aber no gnueg Närke fürne nächste Raub.

Bim Reichlin chlaut er es paar Ring,
 das isch für sone routinierte Gangster doch keis grosses Ding.



A wiitere Idee fählt ihm nid,
 er gmerkt, dass i dem Dorf no einiges meh drinne lid.
 Vor irgendwohär hed er nu es Pack Moretti,
 das transportiert er uf sim chline Trotinetti.

Lang cha das aber ned guet ga,
 drum wott ers möglichscht gli wieder los ha.
 Er gahd drum i Engel und wotts det zumene günschtige Pris verkaufe,
 aber au de Kobi Tüttel tunkts komisch und seid em er chöng witerlaufe.

D' Polizii isch sit em Looser sim Telefon am Runde,
 drum hend's de Gauner am Namittag de glich nu gfunde.
 Sie hend ihm ned nur das gchlaute Züg wieder abgno,
 sogar de uralt FG-Fasnachtsmantel vom Kobi isch im Rucksack fürecho.

D Fasnacht isch ändlich verbii,
 d Blächis gönd zäme uf d Skii.
 Pünktlich und nüchtern sind d Lüüt am Samstig Morge z'gseh,
 ab uf Engelberg, det gids en Party im Schnee.

Wo die zwe WG-Kollege vo de Grepperstrass aber nach de Akunft i de Jugenherbärge ufe Bärg ufe wend,
 ischne ufgfalle, dass sie schinbar öppis wichtigs deheime vergässe hend.
 Es wird usgrüeft und weg isch d Rueh-
 wie söild etz mier uf d'Pischte ohni Snowboardschueh?

Drum stapfids halt so ähnlich wie die asiatische Tourischte,
 z'Fuess zu dem Fäschet ufe über d Pischte.

En tolle Namitag hends trotzdem gha und debii no chönne s tüüre Skibillet spahre,
 während dem d'Snowboardschuehh im Lift deheime hend döffe ufe- und abefahre.



DANKE für d'Zämearbeit und d'Flexibilität,
das steigeret enorm eusi Produktivität.



DANKE ad Guggene und die viele Fasigruppe,
ier sind so wichtig wie Salz i de Suppe.



DANKE für jede einzelni Franke
und jedes ehrlich gmeinte «Danke».

DANKE für die motivierende Wort
und a alli wo eus hälfed vor Ort.



DANKE fürs Zuelose und d'Ufregig vertriibe,
das mer immer hend chönne optimistisch bliibe.

DANKE eusem «Ängel» wo eus immer stärkt mit Spiis und Trank,
aber au de andere Wirte ghört euse Dank.



DANKE für's Dureläse und de Fiinschliff,
jetzt hed das Ganze vill meh Pfiff.


DANKE für die Hess'sche Fachliteratur,
da lernt mer Dichte mit Stil und Struktur.



DANKE ad Manne im gälbe und orange Gwand,
mier wäred verlohre ohni euchi hälfendi Hand.

DANKE jedem wo jetzt ned persönlich agsproche isch,
du selsch wüsse, das au du super wichtig bisch!

DANKE für alles und no vill meh,
irgendeinisch hemmers mitem Danke au gseh.





Wir wünschen allen eine rüüdig schöne Fasnacht !

LOOSER
OPTIK AG

...wünscht
allne
e tolle Fasnacht!

Unterdorf 10 | 6403 Küssnacht | 041 850 65 81 | looseroptik.ch